



SESOBEL

Fondé en 1976



من أقوال إيفون شامي:

البشرى السارة موجهة إليك، يمكنك أن تحيا وتنشر فرح المسيح ورجاءه، مهما تكن إعاقتك ومهما بلغت آلامك. هذا ليس سرا، أو حلمًا لا يتحقق. هو طريق وعر يصعب سلوكه، ولكن إن فعلت، كان لك شعور الرياضي الذي وصل إلى القمة، فتذوق بفرح ودهشة ونشوة هواء قمم الجبال المنعش النقي.

نؤمن أن :

الصعوبات والآلام والموت هم جزء لا يتجزأ من الحياة، علينا مواجهتهم بفرح ورجاء.

(Credo SESOBEL n° 5)

في هذا العدد

الإفتاحيّة	ص ١
سنة جديدة، تحدي جديد ورجاء كبير	ص ٢-٣
بوج كّل التحديات، اخترنا الرجاء	ص ٤
Vive la rentrée	ص ٥-٦
ورجعنا	ص ٦
ودعنا واستقبلنا	ص ٦
أخبار عيلتنا	ص ٧
هم في قلب الله	ص ٧
للتأمل	ص ٧
قصّة قفير النحل	ص ٨

همزة وصل

فنّ التّحدّي بالرجاء L'art de défier dans l'espérance

Thème de l'année 2017-2018

أيلول ٢٠١٧

نشرة إخبارية شهرية

«وَحَدَهُ الرَّجَاءُ يَجْعَلُنَا فِعْلًا مَسِيحِيَّينَ»

القديس أغسطينوس

«إذ ان الرجاء هو أكثر شيء إلهي يمكن أن يوجد في قلب الإنسان»

«وأسوأ حاجز للرجاء هي النفس الفارغة»

البابا فرنسيس

- ماذا يعني أن نرجو في عالم مثل عالمنا، عالم السرعة، حيث اللحظة الآتية تُصبح مُحتمة أكثر من مشروع مُحتمل ؟
- ماذا نرجو حقيقةً إذ لم يكن نجاحنا الفردي ؟
- نحن نعيش بانتظار، بأمال يومية صغيرة إفرادية، وهذا يكشف كم هو أساسي تخطي الحاضر من أجل المراهنة على المستقبل.
- الرجاء غير ممكن إلّا من خلال الإنفتاح على الآخر.
- الرجاء هو ثمر علاقة حيّة، هو مُتصل دائماً بشراكة مع الآخر، بثقة موضوعية في الآخر.
- الرجاء يفرض علينا قرار جهد وإرادة.
- يجب أن نُقرّر أن نرجو !
- الرجاء مثابرة تتغذى من المسؤولية.
- الرجاء يقود للإلتزام.
- الرجاء يُلونّ الأيام بالفرح.
- الرجاء يحثك للبحث عن التّواصل والمشاركة، فتتمرس على الرجاء مع الآخرين ومن أجل الآخرين.
- إن لم أنهض أنا، إن لم تنهض أنت، إن لم ينهض هو، من سيرفع مشعل الأمل إذن في هذه الظلمات.

لذا، اخترنا شعار لهذه السنة «فنّ التّحدّي بالرجاء» لأننا لسنا وحدنا في كفاحنا ضد اليأس. إن كان يسوع غلب العالم فهو قادر أن يغلب فينا كل ما يتعارض مع الخير. ما من أحد سيسلبنا الرجاء لنسبر إلى الأمام لنكتشف كل يوم «فن التّحدّي بالرجاء».

(موضوع للتفكير والتأمل)

دولي غريشي - Responsable Ambiance de vie

سنة جديدة ، تحدي جديد ورجاء كبير

كما كان هالنهار محطة شكر وإمتنان لكلّ الملتزمين بعيلتنا من ١٠، ٢٠، ٢٥، ٣٠ و ٣٥ سنة، يلي عبروا، من خلال شهادات زغيرة، عن عمق تعلّقن بقضية ولادنا وقديش وجودن بقلب هالعيلة نمي فين عناصر مهمّة لمسيرتهم ونموهم.
الياس طوق - قسم الزوّار والمتطوعين

مع بداية كل سنة منجتمع عيلة وحدة بمحطة أساسية، منحطّ خلالها سنتنا وكل أهدافنا بين إيدين الله الأب، من خلال الذبيحة الإلهية يلي احتفل فيها الأب هاني طوق وشدّد على أهمية الرجا وكيفية عيشو رغم كل الظروف الصعبة وإنّو الرجا هو فضيلة أساسية عند المسيحي بتعتمد على كلمة الله ووعدّه.

٣٥ سنة تفاني



ليلي زغيب



ميشا باخوس



ريتا بطيش

٣٠ سنة كرم



إيليانا خوري



رضا السخن

٢٥ سنة حب



لطيفة شربين



سميرة رومانوس



٢٠ سنة خطأ

ومن بعد القداش أطلقت السيدة فاديا صافي شعار السنة :

«فن التحدي بالرجاء»

وبدورها شدّت إنّو لازم يكون الرجا نهج حياة، بكل كلمة، عمل وتصرف منقوم فيه، فيكون الدافع للحياة وعنصر أساسي لنموها.

وأكدت مرة جديدة على ثققتها وفخرها بفريق العمل يلي عم يجسد رسالة المؤسسة وحبو لإلها وهالشئ عم يوصل صده لكل يلي عم يواكبوا مسيرتنا.



مادونا سماحة



جوزف رسام



مادونا البار

أنا بنت هالعيلة وبشوف حالي فيها



أي شهادة حياة ممكن توفي حق السنين اللي عشتها بالسيزوبيل؟ لا حبر ولا ورق ولا كلام ممكن يعبر عن الحياة بالسيزوبيل.

إلا الحياة ذات نفسها وقدام حيرتي اخترت أروي حوار جرى بين مزين شعر نسائي وييني بعد قدومي لعندو والمحل فارغ من الزبونات.

المزين س : كيفك؟ كيف شغلك؟
ج : الحمد لله.

س : بدني إسألک (بجزء) الولاد بيعدوا؟

ج : صح بيعدوا، بيعدوا صدق، فرح، سلام وحب. بدون استسلام رجع سأل :

س : شو عم يطلعك من التعب معن؟

ج : وإنّ شو طلعن أساتذتك منك؟ بكرياء كمل...

س : شكلن عم يوفوكي حنك؟!

ج : آه، وإنّ عم توفي إملك حقها؟

س : بعرف إنّو بالسيزوبيل بيعصروكن مثل السفنجة حتى ينشفوكن. صح؟

ج : نحنا بالسيزوبيل متاجر بالوزنات وما منظرها.

س : شو سعدى، شكلك تعلّمتي تجاوبه بدبلوماسية وعمق!

ج : إنّ ما بتعرف شو شعارنا بالسيزوبيل، نحنا «مدرسة لحياة أفضل».

وتا يردّ اعتبارو، حب يقدملي تعبو وما قبل إدفعولو. وتا إرضي غرورو قبلت وشكرتو بصدق تاركة ورايبي فكرة حقيقية تصلح الفكرة الخطأ اللي آخذها عن السيزوبيل.

هيذا واجب ومش مجاملة، أنا بنت عيلة السيزوبيل وبشوف حالي فيها.

سعدى بطرس

ميا بطيش

١٠ سنة إيمان



ماي أبو ملهم



ريتا عقيقي



جيهان عقيقي



لودي رزق



ريتا معلوف

شهادات من القلب

نعم لمحبة عشتها



١٥ سنة نعم لمحبة عشتها.

هوّي إنسان وإبن الله وأنا كمان.

هوّي مختلف... وأنا كمان.

هوّي عندو صعوبات وضعف وقوة... وأنا كمان.

هوّي إجا على الدني مشوار حياة من حضن إمّو لحضن الأرض ليتحصّر يوصل ليحضن الأب... وأنا كمان.

١٥ سنة تعلّمت إنّو المسؤولية هيّي الخدمة، هيّي حضور الآخر، هيّي علاقة تساوي إحترام ومحبة.

١٥ سنة تعلّمت إنّو لازم عيش اليوم بملؤو وإكتشف حصة كل شخص بالهالعيلة بحياتي، إقدر أوقف وقلّو «شكراً».

اعطيني يا رب جدّد كل يوم ال«نعم» مع كل بسمه من ولادنا وشبيبتنا، مع كل دمعة وفرح، مع كل نظرة أمل ورجاء.

يا مريم إمي «ست البيت» خلّيني إفهم الرسالة كل يوم أكثر من يوم، إحملها وأحضنها بكل أمانة مثل ما إنّت حاملة يسوع وحاضنتيني وحاضنة كل شخص منا.

ديانا حويك



بوج كل التحديات اخترنا الرجا



العميد «علي أمين السيد» رئيس مصلحة الصحة في الأمن العام والنقيب «فادي نادر» رئيس قسم العلاج الفيزيائي في الطبابة العسكرية (مصلحة الصحة في الجيش اللبناني)

الولد «إيليو طعمة» وأهله من برنامج التوحد



دولي غريشي - Responsable Ambiance de vie

يقول **البابا فرنسيس**: «إنّو نعيش، نحبّ، نلحم ونأمن... هنيّ كل شي بيحتاج إلو الإنسان تا يفهم معنى الرجا». وبوجّ كلّ التحديات، اخترنا الرجا. الرجا بكرة أفضل لكل ولد من ولادنا، لكلّ ولد عندو احتياجات خاصّة، مننّ تعلّمنا التحديّ بالرجاء، وكرمان مستعدّين نكمل للآخر. اليوم، جينا سوا نحتفل بالرغم من الصعوبات الّلي عم تواجه سيزويل، نفرح بحلم كبير صار حقيقة. للبعض هالشي ضرب جنون، أمّا إلنا فهوّ نور الشّمة بعزّ الليل. لأنو كلنا إيمان إنّو بعد كلّ ليل رح يطلع نهار جديد.

خلّوني خبّركن قصّة هالمركز :

من أكثر من ٨ سنين منلحم نأمن لأولادنا اللي عندن توحد مساحة تردّ ع كلّ حاجاتن ويقدرنا من خلالها يطوّروا طاقتن، يتعلّموا ويكبروا بإطار مكيفّ إنن ويعيشوا سوا. تزامن هالحلم مع زيارة سيّدة فاضلة إلنا. وهالزيارة تركت بصمة كبيرة بقلبها لأنّها أمنت إنو قضيتنا قضية محقّة، وإنّو ولادنا من حقّن يستفيدوا مثلن مثل غيرن من كلّ حقوقن، اختارت تحقق حلم ولادنا إنّو يكون عندن «وحدة علاج بالماء»، يستفيدوا من خلالها من العلاجات التأهيلية، من الرياضة، الألعاب المائيّة، الاسترخاء وغيرها.

«شكراً سيّدة ليلي سعد على هذه المبادرة»

هيك قدّمت الأنسة أيتا الحج إفتتاح مركز العلاج بالماء، نهار الخميس ٢٨ أيلول ٢٠١٧ وتاهلت بالحضور يلي استقبلهم عدد من شبيبتنا بالأغاني، فمتعّوا نظرهم بجمال لوحات رسموها **وليد، رامي، إيليو وغريغوري**... وتسنّالن فرصة التعرّف علين والتحدّث معن.

بعد عرض فيلم بيشرح أهميّة العلاج بالماء لولادنا وشبيبتنا، بارك **المطران بولس روحانا** الموقع وقام الحاضرون بالزيارة وإستكشاف المكان.

شكراً مدام **فريدا شماس** للإهتمام لحاجاتنا وللجهد والحضور إلى جانب شبيبتنا.



السيدة ليلي سعد والسيدة فريدا شماس



المونسنيور بولس روحانا، السيدة سعد، السيد كارل بستاني، السيدة فاديا صافي، الدكتور كمال كلابّ والسيد فادي شماس

Vive la rentrée

خلصت الصيفية وبلّش الخريف
وصار لازم نفكر بالدرس من جديد



لكل واحد منكم شكر كبير. بمساهمتمكم، حضوركم، فرحتوا
ولادنا وفرحوا... حيتوهن وهتي حبوكن...
على أمل اللقاء منوّدعكن روح تعيدوها هيدا وعدكن.
البرنامج التربوي ومركز المساعدة بالعمل

خلصت الصيفية يا أصحابي
وانتهت فرصتنا شو انبسطنا

بسمه، ضحكة وغمرة، موسيقى، غنية وهيصه، فتحت
السيزويل أبوابها من جديد نهار الاثنين ٢ تشرين
الأول ٢٠١٧.

القسم التربوي، بالمسؤولين، المعلمات والمعلمين، كان حاضر
لاستقبال الأولاد والشبية :

أهلا وسهلا بالأحباب رجعتوا بعد طول غياب
نحن اليوم فرحناين عم نستقبلكم غالباب



بعد الإستقبال، كان اللقاء بقاعة المحاضرات، الكل ناظر
ومدهوش !!! الزينة كتير حلوة !!! قولكن شو في ؟ مين
جايب ؟؟ في حفلة ؟؟ في هيصه ؟؟

أكيد... ومين في غير "جو سلوم" مع فريق "CHANGE"
يلبي تبنا هالنهار المميز بالزينة، الموسيقى، الألعاب
وفقايق الصابون...



ورجعنا

من بعد العطلة الصيفية، اجتمعنا بنشاط، فرحة وبسمة لنرحب بولادنا بهيصة ورقصة وغنية ونبلّس سوا سنتنا الجديدة. مع كل الحماس والنشاط ما نسينا تكون البداية بصلاة لست البيت متمّين نعيش سنة مليانة بالنشاطات والأعمال المميّزة ونضل كلنا إيد بإيد بنبي سوا ونستمر.



برنامج الدمج المدرسي - سيزوبيل جزيّن

ودّعنا واستقبلنا

وين ما كّنا فينا نعطي من قلبنا ومن حينا... بس ما فينا إلا ما نقلكن رح نستفقد لحضوركن المميز بالـ UNITE ونطلب من مريم ست البيت تعطيكم حب الفرح والعتاء وين ما كنتوا. موفقين جويل بوحدة الإعاقة الفكرية PHM وراشيل بوحدة الـ Chouchous.

أهلا وسهلا

* «ورود» بلشت معنا ببرنامج التوحّد TED. حضورها رايق متل النسمة، والملفت هويّ التأقلم السريع المجهول بالمحبّة.



* أهلا وسهلا كمان برنامج التوحّد باولادنا

«ماتيو» و «ستيفان» يلي

نقلوا لعنا من برنامج التدخل المبكر USP.

صغارنا موهوبين ببسمتن وحبّ للموسيقى.



البرامج التربوية

Vive la rentrée - تابع

بأول يوم مدرسة كانت الحفلة، وباليوم الثاني كانت الذبيحة الإلهية يلي ترأسها أبونا «شكرالله غزال» وتقدّمت على نيّة سيزوبيل: ولاد وشبيبة، أهل، أصحاب ومتطوّعين، فريق عمل وملتزمين.

رفعنا نوايانا للرب وشكرناه على كل عطياه وصلينا على نيّة كل ولد ما قدر يكون حاضر بهالسنة لأسباب حياتية واقتصادية. ومن وحي الواقع، حبينا نقول :

«شو حلو بعد غياب، نلتقي رفقة وأصحاب،

نندا سنة دراسية جديدة، مليانة عطاء،

معرفة وإشيا مفيدة...»

ترجع الملاعب تعيها ضحكات الولاد

وسوا نتعرّف عا تلاميذ جداد،

نرفع صوتنا ونصرخ للدولة العلية

نحننا بالسيزوبيل مهمّين وبأمان...»

من حقنا نتعلّم

ونتمنى للمساعدة إلنا الأفضلية.»



البرامج التربوية ومركز المساعدة بالعمل

أخبار عيلتنا

يللي بشهر تشرين الأول والثاني عيدن، عمرن يا رب تزيديو
عبّوا القلب فرحة ببسمة حلوة ومرحة...
كلنا منتمئالن سنة حلوة كلاً صِحّة وتتحقّق كل الأمانى مع باقة زهور
وعقبال امية سنة



شهر تشرين الثاني

ريتا عبد الساتر ١ ت ٢	بيتينا عواد ١٥ ت ٢
ندى يزبك ١ ت ٢	سهيلا عطوش ٢١ ت ٢
نايلا الحاج ٣ ت ٢	ديالا صايغ ٢١ ت ٢
جويل نقولا ٥ ت ٢	سوزان عنداري ٢١ ت ٢
ورود بشاره ٥ ت ٢	رينيه حداد ٢٣ ت ٢
وليد حداد ٦ ت ٢	ميشيلا رزق ٢٤ ت ٢
جاد بو موسى ٦ ت ٢	سوزان ساميا ٢٨ ت ٢

شهر تشرين الأول

نيكول أسطا ٢ ت ١	ليليان درغام ١٥ ت ١
نغم مهنا ٢ ت ١	ساميا دامس ١٦ ت ١
جورجيت أواقيان ٥ ت ١	اميل رزق ١٨ ت ١
سميرة رومانوس ٥ ت ١	سميرة قهوجي ١٩ ت ١
حنان سنكري ٨ ت ١	جويل صيداوي ١٩ ت ١
ريتا بطيش ٨ ت ١	كريستيان فهد ٢٠ ت ١
ديزي ضو ١٠ ت ١	هيثم جمعه ٢٢ ت ١
جيهان عقيقي ١١ ت ١	جوسلين خويري ٢٥ ت ١
إلسي نعمه ١١ ت ١	محمود حسن ٢٩ ت ١
لطيفة شربين ١٢ ت ١	بيار اغناطيوس ٣٠ ت ١
وليد بو حيدر ١٢ ت ١	نجوى طاها ٣٠ ت ١

للتأمّل

شهر تشرين الأول، شهر الوردية المقدسة



"تتظّل محبّة الله
فيكم، ولتذكركم
المسبحة الوردية
التي في أيديكم،
بيسوع".

(ظهور السيدة
العذراء على القديسة
كاترين والقديس عبد
الأحد في «بومبايي»
والطلب منهم تلاوة
مسبحة الوردية).

Que Notre Dame de Pompéi,
notre soutien, notre consolation et notre gloire,
soit aimée et bénie par tous les peuples.
Ainsi soit-il.

دولي غريشي - Responsable Ambiance de vie

هم في قلب الله، حيث الحب هناك يسكنون

أحر التعازي :

- * للزميلة ريتا بطيش لوفاة جدتها.
- * للزميلة نظيرة شلفون لوفاة والدتها.
- * للشابة كلود سعادة في مركز المساعدة بالعمل، لوفاة والدتها.
- * للشابة غرازيلا طريبه في مركز المساعدة بالعمل، لوفاة والدها.

صلاة لراحة الأنفس

أيها الرب يسوع المسيح المخلص يا من أقمت لعازر من
الموت وأقمت الفتاة وقمت أيضا في اليوم الثالث، نسألك
بشفاعة أمك الكلية القداسة أن ترحم جميع عبيدك الحسنى
العبادة المنتقلين جديداً، فإنك أنت منزهة عن الخطيئة وقد
جئت الى العالم كي لا يهلك من يؤمن بك.
أنت القيامة والحياة والراحة لجميع الراقدين ولك نرسل
المجد مع أبيك الذي لا بدء له وروحك الكلي قداسة،
الصالح والمانح الحياة الآن وكل وان وإلى دهر الدهرين آمين.



فريق عمل همزة وصل ٢٠١٧-٢٠١٨

مندوبي البرامج : الياس طوق، ميراى زغيب، جانيت مطر، رانيا أسمر، جيسيكا رحمة، جيسي خليل، جولي عازار، دولي غريشي،
تانيا جرجي، رضا السخن، حنان سنكري، مانويلا شحود، ليليان خويري، ليلي زغيب، أنطوانيت أبي رزق، نايلا تامر، رانيا أسمر.
قسم المراجعة والتحرير: كرم الخوري، مادونا سماحة.
تنفيذ : جورجيت أواقيان.

L'art de défier dans l'espérance

قصة قفير النحل

آخر شهر من السنة الدراسية ٢٠١٧، وجهت المؤسسة سؤال للموظفين:
"كيف ممكن نتخطى الصعوبات اللي عم تمرق فيها المؤسسة؟"
هيدا السؤال حرّك ذاكرتي ورجّعتني بالسنين لورا، لما كان عمري ١٢ سنة.
بهيداك اليوم لما كنت بمشوار بالطبيعة، استوقفني منظر قفير النحل. صفّ من
النحل واقف على باب القفير، وبنت ال١٢ سنة استغربت!
ليش النحل ما عم بيطيروا من زهرة لزهرة حتى يجنّوا الرّحيق مثل العادة ؟
خملت السؤال وبسرعة لعند إستاذ العلوم حتى لاقى الجواب.
أستاذ أمين ابتسم وقلّي: "النحل بيعيش حياة الجماعة، وهيدا النهار في كثير
حرارة، وألويّات الحياة هيّي تخفيف الحرارة داخل القفير حفاظاً على برودة القفير.
منشان هيك كانوا واقفين جنب إلى جنب وعم بيحرّكوا جوانحهم تا يدخلوا البرودة،
ولما بيتعبوا بيتبادلوا مع مجموعة تانية، وهيك حتى يتخطّوا الفترة الصّعبة،
ويرجعوا لحياتن العادية".
إذا النحلة الصغيرة تكاتفت مع خيّاها حتى تحافظ على إستمراريّة الحياة ؟ كم
بالحرّي الموظّف بالسيزوبيل اللي شغلو رسالة لحياة أفضل !!؟

نحلة سيزوبيل

سعدى بطرس

Fondé en 1976

فنّ التحديّ بالرجاء